



N°552
Entrée le 28.03.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 29.03.2024
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 28/03/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Finanzen & Sport weiderzeleeden.

Am Avis zum Projet de règlement vum Conseil d'Etat vum 11te Juli 2023 steet ze liesen:

"le règlement en projet est basé sur l'article 8 de la loi modifiée du 21 juillet 2012 [...] ainsi que sur l'article 4, paragraphe 6, de la loi modifiée du 3 août 2005 [...] En ce qui concerne l'article 4 paragraphe 6, de la loi précitée du 3 août 2005, le Conseil d'Etat constate que notamment les nouveaux alinéas [...] visent à servir de base légale aux indemnités prévues par le règlement en projet sous avis."

Laut dem Avis vum Staatsrot gouf et also virdrun keng legal Basis zu den Indemnitéiten fir extern Mataarbechter vun de Formatiounszentere. Dëst misst also geschaf ginn.

An deem Zesammenhang wéilt ech de Ministeren dës Fro stellen:

1. Gouf am Sport- respektiv am Finanzministère eng intern Analys zu der Base légale vun den Indemnitéite fir extern Mataarbechter vun de Formatiounszentere gemaach? Wa jo, gëtt et heizou eng Note iwwert d'Resultater vun dëser Analys?
2. Ass de Contrôle financier mat enger Analys saiséiert ginn a wat ass am Avis vum Contrôle financier erauskomm?

Mat déiwem Respekt,

CLEMENT Sven
Deputéierten



www.piraten.lu



Gemeinsam Äntwert vum Finanzminister, Gilles Roth a vum Sportsminister, Georges Mischo zu der parlamentarescher Fro n°552 vum 28. Mäerz 2024 vum honorabelen Deputéierte Sven Clement

1. Gouf am Sport- respektiv am Finanzministère eng intern Analys zu der Base légale vun den Indemnitéite fir extern Mataarbechter vun de Formatiounszentere gemaach? Wa jo, gëtt et heizou eng Note iwwert d'Resultater vun dëser Analys?

De Sportsministère huet sech 2022 mat der Direktioun vun der Finanzkontroll zesumme gesat fir den Dossier iwwert d'Bezuele vun den externe Mataarbechter an de Formatiounszentere ze klären.

Do si follgend Punkte festgehale ginn :

- d'Decisioun vum Regierungsrot vum 21. Dezember 2001 unzepassen fir an der Preamble all déi aktuell Gesetzer a Reglementer déi a Kraaft sinn ze zitieren ;
- d'modifiziert Gesetz vum 3. August 2005 iwwert de Sport ("2005er Gesetz") unzepassen ;
- d'Afféiere vum neien INAPS Gesetz an d'Upassung vum groussherzogleche Reglement iwwert d'Bezuelen.

Dës dräi Pisten, déi zeréckbehale goufe, sinn an Zwëschenzäit allen dräi ëmgesat, duerch:

- d'Decisioun vum Regierungsrot vum 7. September 2022 ;
- d'Gesetz vum 21. Juli 2023, dat den Artikel 4 vum 2005er Gesetz upasst an dem Schafe vum groussherzogleche Reglement vum 23. August 2023 iwwert d'Bezuele vun de Mataarbechter aus de Formatiounszentere ;
- d'Gesetz vum 29. Juli 2023 iwwert d'Schafe vum INAPS an dem groussherzogleche Reglement vum 29. August 2023, deen déi applikabel Tariffer festleet.

2. Ass de Contrôle financier mat enger Analys saiséiert ginn a wat ass am Avis vum Contrôle financier erauskomm?

Nodeems d'Finanzkontroll zousätzlech Informatiounen gefrot hat betreffend d'Ausbezuele vun Indemnitéite fir Trainere vun de Formatiounszentere, hat sech de Sportsministère am September 2022 engagéiert fir kuerzfristeg eng nei gesetzlech Basis ze schafen a, bis zum Vott vun dësem Gesetzer, de Regierungsrot mat engem neien Arrêté ze saisieren. Dësen Arrêté gouf de 7. September 2022 vum Regierungsrot ugeholl.

Op Basis vun den Explikatiounen vum Sportsministère an dem besoten Arrêté vum Regierungsrot ass dunn een Accord *avec observations* vum verantwortleche Finanzkontroller ausgeschafft ginn, deen d'Ausbezuele vun deenen, ob Grond vu geleeschte Servicer, geschëllten Indemnitéiten erlaabt huet.

Lëtzebuerg, den 30. Abrëll 2024

De Finanzminister

(s.) Gilles Roth